



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 04-1-11-4-4222-3/25

Dana: 10.09.2025. godine

Na osnovu člana 21.stav (3) Zakona o unutrašnjim poslovima Kantona Sarajevo ("Službene novine Kantona Sarajevo broj;1/16, 26/19, 31/19,i 39/20) , člana 70.stav (5) a u vezi sa članom 26.stav (2) tačka c) Zakona o javnim nabavkama („Službeni glasnik BiH“, broj 39/14 , 59/22 i 50/24), na preporuku Komisije za javne nabavke Ministarstva unutrašnjih poslova Kantona Sarajevo imenovane rješenjem ministra broj 05-1-30-1-1617 od 22.04.2025. godine ministar Ministarstva unutrašnjih poslova Kantona Sarajevo donosi:

O D L U K U

O rezultatima pretkvalifikacije, prva faza u postupku javne nabavke
„Nabavka usluga izrade glavnog i izvedbenog projekta svih faza centralnog objekta
Ministarstva unutrašnjih poslova Kantona Sarajevo”

Član 1.

Na osnovu Odluke o pokretanju postupka nabavke broj 04-1-11-4-4222/25 od 16.06.2025 godine i Obavještenja o nabavci broj 1364-2-2-58-3-50/25 od 17.06.2025. godine provedena je prva faza ograničenog postupka javne nabavke usluga izrade glavnog i izvedbenog projekta svih faza centralnog objekta Ministarstva unutrašnjih poslova Kantona Sarajevo”

Član 2.

Prihvata se preporuka Komisije iz zapisnika o pregledu i ocjeni ponuda, broj zapisnika broj :**04-1-11-4-4222-2/25** od dana: 01.08.2025. godine i ponuđač/kandidat Hering dd za projektiranje i graditeljstvo Široki Brijeg se ocjenjuje kao kvalifikovan za drugu fazu postupka jer ispunjava uslove za kvalifikaciju tražene tenderskom dokumentacijom, dok se ponuđač/kandidat NonStop d.o.o Sarajevo ocjenjuje kao nekvalifikovan za drugu fazu postupka jer ne ispunjava uslove za kvalifikaciju -ne posjeduje industrijsku dozvolu traženu tačkom 10.tenderske dokumentacije.

Član 3.

Ponuđaču/kandidatu iz člana 2.ove odluke koji se kvalifikovao za dalje učešće će se uz poziv za dostavu ponuda putem portala javnih nabavki dostaviti i tenderska dokumentacija za drugu fazu kvalifikacije dok se ponuđaču/kandidatu koji se nije kvalifikovao neće dostavljati poziv za dostavu ponuda niti tenderska dokumentacija za drugu fazu kvalifikacije i isti se isključuje iz daljeg učešća u ovom postupku javne nabavke.

Član 4.

Ova Odluka stupa na snagu danom donošenja

Obrazloženje

Na osnovu Odluke o pokretanju postupka nabavke broj 04-1-11-4-4222/25 od 16.06.2025 godine i Obavještenja o nabavci broj 1364-2-2-58-3-50/25 od 17.06.2025. godine na portalu Agencije za javne nabavke objavljen je postupak nabavke usluga izrade glavnog i izvedbenog projekta svih faza centralnog objekta Ministarstva unutrašnjih poslova Kantona Sarajevo.

U skladu sa gore navedenim Obavještenjem o nabavci, Komisija za javne nabavke Ministarstva je dana 01.08.2025. godine, sa početkom u 15:00 sati, u prostorijama Sjedišta MUP-a Kantona Sarajevo izvršila otvaranje prispjelih ponuda/zahtjeva za učešće i provjeru uslova za dalju kvalifikaciju kandidata u postupku javne nabavke.

Krajnji rok za dostavu ponuda/zahtjeva za učešće je bio 01.08.2025. godine do 15:00 sati. Pristigle su dvije ponude /zahtjeva za učešće.

Obje pristigle ponude/zahtjeva za učešće su blagovremene.

Komisija je izvršila provjeru kvalifikacije ponuđača/kandidata u skladu sa minimalnim zahtjevanim kvalifikacionim uslovima koje treba da ispunjavaju a koji su traženi tenderskom dokumentacijom i to kontrolu dostavljene dokumentacije, način uvezivanja, primjenu propisane forme dostavljenih dokumenata, potpis i ovjeru, te je izvršen detaljan pregled i provjera priloženih dokumenata i konstatovano je u zapisniku o pregledu i ocjeni da ponuđač/kandidat Hering dd za projektiranje i graditeljstvo Široki Brijeg ispunjava uslove za drugu fazu kvalifikacije dok se ponuđač/kandidat NonStop d.o.o Sarajevo ocjenjuje kao nekvalifikovan za drugu fazu postupka jer ne ispunjava uslove za kvalifikaciju-ne posjeduje industrijsku dozvolu traženu tačkom 10.tenderske dokumentacije.

Shodno utvrđenom činjeničnom stanju, a u skladu sa članom 70. Zakona o javnim nabavkama, Komisija jednoglasno daje preporuku ministru unutrašnjih poslova Kantona Sarajevo da u postupku nabavke usluga izrade glavnog i izvedbenog projekta svih faza centralnog objekta Ministarstva unutrašnjih poslova Kantona Sarajevo donese odluku o rezultatima kvalifikacije te da kandidata Hering dd za projektiranje i graditeljstvo Široki Brijeg ocjeni kao kvalifikovanog za drugu fazu postupka jer ispunjava uslove za kvalifikaciju tražene tenderskom dokumentacijom dok se ponuđač/kandidat NonStop d.o.o Sarajevo ocjenjuje kao nekvalifikovan za drugu fazu postupka.

Protiv ove odluke dozvoljena je žalba koja se predaje putem ugovornog organa na način i u rokovima propisanim članom 99. i 101, Zakona o javnim nabavkama,



Dostavljeno:

- 1.Hering dd za projektiranje i graditeljstvo Široki Brijeg, adresa: Provo bb, 88220 Široki Brijeg
- 2.NonStop d.o.o Sarajevo, adresa: Augusta Brauna 14/II, 71000, Sarajevo
- ③Komisiji radi objave na Portalu javnih nabavki
- 4.Upravi podrške
- 5.Kabinet ministra radi objave
- 6.A/a

